

SCRIPT OF EVENING GOJRI NEWS BULLETIN 16APRIL 2025

1700HRS

اونینگ گو جری نیوز بلیٹن مورخہ 16 اپریل 2025

یوہ آکا شوانی جموں ہے اظہر حسین تے نصرت تیں خبر سُنو۔

HEADLINES

۱۔ وزیر اعظم نریندر مودی غو کثرہ تیں کشمیر ریل رابطہ غو افتتاح موسمی حالات غے پیش نظر ملتوی۔

۲۔ وزیر اعلیٰ عمر عبداللہ نے ای صحت ایپ غو افتتاح کیو جھپڑی جموں کشمیر غی عوام واسطے ایک مکمل طبی سہولت ہے۔

۳۔ سپریم کورٹ نے ٹول فی ماٹہ ۰.۸ فی صد غی کمی غا جموں کشمیر ہائی کورٹ غا فیصلہ ور روک لادتی ہے۔

۴۔ جسٹس ارون پلی نے جموں کشمیر تے لداخ ہائی کورٹ غا چیف جسٹس غا طور ور حلف لیا۔

۵۔ این آئی اے نے جموں ماٹہ ۳ دہشت گرد بشمول پاکستانی سرپرست غے خلاف چارج شیٹ داخل کی ہے۔

PM POSTPONEMENT

کشمیر تیں کثرہ توڑی ریل خدمات غو طویل انتظار بُن کُجھ دناں واسطے بدھ گیو ہے وزیر اعظم نریندر مودی ۹۱ اپریل ماٹہ اس گو افتتاح کرن آلا تھا لیکن جموں کشمیر ماٹہ ۸۱ تے ۹۱ اپریل نانہ شدید بارش غی پیشین گوئی غے باعث یوپیروگرام ملتوی کردتو گیو ہے ریلوے غی وزارت نے سماجی میڈیا ور دسیو ہے کہ افتتاحی غی نوی تاریخ جلد دتی جے غی۔ قابل ذکر ہے جے وزیر اعظم ادھمپور تیں بارہمولہ توڑی ریل رابطہ غا آخری حصہ غو افتتاح کرن آلا تھ اجس تیں پہلی واری جموں تیں سرینگر توڑی براہ راست ریل غی خدمت ممکن ہو جاتی۔ اس رستہ ماٹہ دنیا گو سب تیں اُچو چناب پُل تے بھارت غو پہلو کیبل آلو پُل آنجی کھڑ وی شامل ہے۔

CM E SEHAT

وزیر اعلیٰ عمر عبداللہ نے اج ای صحت ایپ غو آغا کیو اس ون سٹاپ ڈیجیٹل پلیٹ فارم غو مقصد جموں کشمیر ماٹہ سحت غی دیکھ بھال غی فراہمی نانہ تبدیل کرنو ہے۔ شہریاں ڈاکٹراں تے طبی پیشہ ور افراد نانہ فاندو پُجان ور قابل رسائی تے موثر صحت غی دیکھ بھال غی خدمات پیش کرے آغاز گا موقع ور خطاب کرتا واں وزیر اعلیٰ نے کہیو کہ یہ پہل ڈیجیٹل صحت غی دیکھ بھال غی تبدیلی غی طرف ایک بہت برو قدم ہے جس توں سب واسطے معیاری دیکھ بھال نانہ یقینی بنایو جاریو ہے ای صحت ایپ توں امید کی جے کہ وا ٹیکنالوجی ور مبنی حل غے زریوے لوکاں نانہ باختیار بنان تے ترقی غی بنیاد غا طور ور فلاح و بہبود نانہ فروغ دے تے اس گل نانہ یقینی بناوے کہ ہر زندگی نانہ ہر وقت تے موثر طبی امداد ملیں۔

SC STAY

سپریم کورٹ نے گزشتہ روز نانہہ جموں کشمیر تے لداخ ہائی کورٹ غا اُس فیصلہ ور عارضی روک لگا دتی ہے جس مانہہ لکھن پور تے بن ٹول پلازہ ور ٹول فیس ۰۸ فی صد کم کردتی گئی تھی۔ ہائی کورٹ نے کہیو جد توڑی سڑک غو کم مکمل نی ہوتو پورو ٹول فی لینو نا انصافی ہے جسٹس ابھیے ایس اوکا تے جسٹس اُجل بوین غی بینچ نے بھارتی قومی شاہراہ غی اتھارٹی غی درخواست ور عبوری حکم جاری کیو ہے۔ عدالت نے نوٹس جاری کر غی معاملہ غی اگلی سماعت ۹۱ مئی ۵۲۰۲ نانہہ مقرر کی ہے۔

KATHUA ARMS

ایک اہم پیش رفت مانہہ حفاظتی دستاں نے کٹھوعہ مانہہ تصادم آلی جگہ توں بری مقدار مانہہ جنگی ہتھیار تے گولی سکو بر آمد کیو ہے ایس ایس پی کٹھوعہ سوویت سیکسینا نے اج ایک پریس کانفرنس مانہہ کہیو کہ برآمدگی مانہہ ایک ایم ۴ رائفل دو اے کے ۷۴ اپستول کہیں میگزین بڑی مقدار مانہہ گولی سکو پاکستانی بیگ تے ادویات وغیرہ شامل ہیں انہاں نے کہیو کہ برآمدگی دہشت گردی غی سنگین سازش غی طرف اشارو کرے تے تحقیقات اجیں جاری ہے۔ اس بارے ایس ایس پی کٹھوعہ نے اس طرح کہیو۔

POONCH SEARCH OPERATION

ضلع پونچھ غی تحویل سرنگوٹ گا لسانہ گراں مانہہ لگاتار تیجے تہاڑے وی حفاظتی دستاں غی طرفوں مشترکہ طور ور تلاشی کاروائی جاری ہے۔ واضع رہ جے یاہ کاروائی سمار غے تہاڑے مشتبہ دہشت گرداں غے نال ٹاکرا توں بعد شروع کی گئی اس توں بعد فوج تے پولیس نے علاقہ نانہہ گھیرا مانہہ رکھتا واں کاروائی نانہہ مزید تیز کردتو ہے۔ گھنہ جنگل مانہہ چھپیہ واں دہشت گرداں گو پتو لان واسطے حفاظتی دستاں غی طرفوں ڈرون غو استعمال کی وجارہی وبے حفاظتی دستاں خطرہ نانہہ ہے اثر کرن تے خطہ مانہہ رہائیشیاں غی حفاظت نانہہ یقینی بنان واسطے چوکنا تے پُر عزم ہیں۔ اس بارے مہارا نامہ نگار غی ایک رپوٹ۔

CJ PALLI OATH

جسٹس ارون پلی نے اج جموں کشمیر تے لداخ ہائی کورٹ غا چیف جسٹس غا طور ور حلف لیو ہے جموں مانہہ منعقد تقریب مانہہ لیفٹیننٹ گورنر منوج سنہا نے انہاں نانہہ حلف دوايو۔ اس موقع ور وزیر اعلیٰ عمر عبداللہ ہائی کورٹ گا ججز نچلی عدالتاں غا افسران تے دیگر معزز شخصیات وی اُت موجود تھیں۔ ہماچل پردیش ہائی کورٹ گا چیف جسٹس جی ایس سنداوالیا پنجاب تے ہریانہ ہائی کورٹ گا ججز جت جسٹس پلی پہلاں اپنی خدمات انجام دے چکا ہیں۔ وکیلاں اُن گا اہل خانہ تے دیگر مہمان وی تقریب مانہہ شریک ہویا۔

NIA

قومی تحقیقاتی ایجنسی نے سرحدی ضلع پونچھ مانہہ اسلحہ ت گولہ بارود ضبط کرن غے متعلق دہشت گردی غی سازش غا ایک معاملہ مانہہ ایک پاکستانی ہینڈلر سمیت ۳ ملزماں غے خلاف چارج شیٹ داخل کی ہے یا چارج شیٹ جموں غی ایک خصوصی این آئی اے عدالت مانہہ داخل کی گئی تھی جس مانہہ جموں کشمیر گزنوی فورس گروپ توں عبدالعزیز منور حسین تے نزید حسین گوناں لیو گیو تھو۔ پاکستان غے زیر قبضہ جموں کشمیر توں کم کرن آلا نزید حسین نے مبینہ طور ور مقامی لوکاں نانہہ تشدد ور اکسانو تے اسلھو فراہم کیو یوہ معاملو اکتوبر ۲ ہزار ۴۲ مانہہ عزیز غے کول دستی بیماں گا قبجا غے نال شروع ہویو تھو۔ واضع رہ

جے تحقیقات مانہ دہشت پھیلان تے جموں کشمیر مانہ امن نانہ خراب کرن غی سرحد پار سازش گو انکشاف وی ہو۔

DODA CAMP

ایک اہم صحت غی سہولت غے تحت ضلع انتظامیہ دوڈھ بین الاقوامی روٹری کلب غے نال مل غے خصوصی طبی خدمات فراہم کرن واسطے ایک میگا سرجیکل کیمپ گو انعقاد کر رہی ہے۔ ڈپٹی کمشنر دوڈھ ہرویندر سنگھ نے آئندہ کیمپ غی تفصیلات سانجہ کرتا واں دسیو کہ سہت غ امہکمہ غی ٹیم نے وسیع سکریننگ کی ہے تے تقریباً ۰۰۵۰۰ مریضاں نانہ مختلف سرجری واسطے منتخب کیو ہے۔ آکاشوانی گا خبراں آلا شعوبہ سنگ گل کرتا واں ڈی سی دوڈھ ہرویندر سنگھ نے اس طرح کہیو۔

NASHA MUKHT RAJOURI

ضلع انتظامیہ راجوری نے اج ضلع غا تمام بلاکاں مانہ نشہ مُقت جموں کشمیر ابھیان غو انعقاد کیو۔ اس مہم غو مقصد منشیات غا استعمال غا مفر اثرات غا بارہ مانہ شعور آجاگر کرنو تے منشیات توں پاک معاشرہ نانہ فروغ دینو ہے طلبہ نوجواناں تے مقامی طبقات غی شرکت غے نال دیلیاں تے سیماناراں سمیت مختلف سرگرمی منعقد کی گئی عہدیداراں نے منشیات غی بدت نانہ ختم کرن مانہ طبقہ غی شمولیت غی اہمیت ور زور دتو انتظامیہ نے راجوری مانہ نوجوان نسل غی صحت تے مستقبل گا تحفظ واسطے ایسا اقدامات جاری رکھن غا عزم غو وی اعدادو کیو اس موقع ور ایک اہلکار نے اس طرح کہیو۔

JMC WASTE

جی ایم سی کمشنر ڈاکٹر دیوانس یادو نے کوٹ بھلووال گا کچرو جمع کرن آلی جگہ غو دورو کی وتانجے پُرانا کچرا نانہ ٹکانے لان تے زمین نانہ دوبارہ قابل استعمال بنان واسطے جدید قدرتی طریقہ تیں صفائی گا عمل گو جائیزو ليو جاسکے۔ اس منصوبہ غے تحت بڑی مشیناں غی مدد تیں روزانہ تقریباً ۳ ہزار ۰۰۵ میٹرک ٹن کچرو روزانہ ساف تے الگ کیو جے غو۔ یاہ ٹیکنالوجی نہ سڑک آلی کچرا نانہ الگ کرے تے نامیاتی کچرا نانہ کھاد مانہ تبدیل کرے۔ ڈاکٹر یادو نے پائیداد کچرا غا انتظام مانہ اس منصوبہ غی اہمیت ور زور دتو تے اعلان کیو کہ اس جگہ نانہ مستقبل مانہ ایک گرین پارک مانہ تبدیل کیو جے غو۔ ماحولیاتی عزم غا طور ور انہاں نے اُت ایک پودو وی لایو۔
